

杭州府志卷二十一

山水二

錢塘縣一

龍山 在錢塘縣南五里一名臥龍山又名龍華山天目分支蜿

蜒而來結脈於此宋淳熙十二年大閱於龍山卽此一統志郭璞所

謂龍飛鳳舞到錢塘言此與鳳凰也方輿勝覽龍華山有石如龍與上

下兩石龍寺接武林舊事西爲樵歌嶺與南屏山連屬北爲慈雲嶺與

鳳凰山連屬南爲丁婆嶺與大慈山連屬其支漫衍總名龍山下

有進龍浦其東爲龍山河龍山渡錢塘遊覽志

按萬曆志載諸山頗詳獨略於龍山惟包家山下有其南爲

杭州府志 卷二十一 山水一

龍山一語夢梁錄云嘉會門外洋洋橋南名龍山又曰天龍

山山西名月輪大慈則自包家山以南盡月輪山而止皆稱

龍山萬曆志言龍山河長九里可證然則包家山在龍山下

育王山爲龍山之最高者妙因玉廚皆龍山支阜也

包家山 在城南近郊壇清祐志有冷水峪多桃花名桃花關一統志

關門上舊有蒸霞字咸淳志下臨清溪宋時號小桃源俗亦名邊家

山錢塘縣志傍爲松關康熙錢塘志

筆架山 在龍華山東萬曆錢塘志

育王山 在龍山峯之最高者有登雲臺乃錢氏郊天之所宋園

丘亦在焉一統志俗稱鍋子山萬曆錢塘志在南屏山東山麓有從臣齋

宿題名石刻有鴻雁池烏菱池司馬溫公祠今廢下爲藉田名龜

疇田明爲陽明書院康熙錢塘縣志山巔有玉皇廟故稱玉皇山亦云育

王神州古史考廟外設七星缸滿貯水其中蓋地據一城最高處以水

制火亦厭勝之義浪跡續談

天花山 在龍山前康熙錢塘縣志

按卽育王山之支阜也舊志不載始見萬歷錢塘縣志並云

有天花寺

玉廚山 龍山稍南爲玉廚山西湖遊覽志一作玉池山又名伏龍岡

山洞多石龍鱗甲悉具似蜥蜴五爪黃碧色好事者緘於甕啓之

輒化去康熙錢塘志

杭州府志 卷二十一 山水一

龜山 在玉廚山傍康熙錢塘志

妙因山 龍山稍南嘉靖浙江通志爲舊表忠觀殘碑猶在蘇蝕不可揭

康熙錢塘志

按乾隆志云育王玉廚妙因三山皆龍山也前志多分載今

姑仍舊因亦作音

月輪山 在龍山西南瀕江以其形圓如月故名咸淳志龍山支阜

也湖山便覽其高聳者爲月輪峯有六和塔名山記錢氏築以鎮江濤東

爲白塔嶺又東爲龍山鄉以溪爲界定北之峪實首是山張道定鄉小識

秦望山 在縣西南十二里輿地志秦始皇東遊登此山瞻望欲

渡會稽故名一統志唐高宗咸亨時京師有望氣者言錢塘有王氣

命侍御史許渾等齎壁瘞此山以厭之昭宗大順元年九月築新

夾城環包家山洎秦望山而迴後唐同光中錢氏於秦望山建上

清宮宋仁宗景祐三年七月築羅城自秦望山東互江干吳越備

志 山有巨石二十餘列自然成行名金洞門晏殊與高一百六十

丈周一百步咸道志張道秦望山辨秦望山今無定處可攷據

名實由徐氏則山當在徐村矣明夏時湖山勝槩記云南高峯其

龍四出一過慈雲嶺登雲臺出包家鳳凰秦望三山多有吳越南

宋故迹今建風雲雷雨山川壇並報國勝果天龍龍華諸寺遠焉

則是山與包家鳳凰相連當即御校場其西宋有冲天觀似即上

清宮與舊治南十二里合又錢武肅王排衙石詩刻有建瑤壇禮

玉京顯真靈鎮上清語與秦望山建上清宮事相合且排衙石兩

行排立與晏公所稱巨石成行者同狀其地高曠極江山奇偉之

觀秦皇駐輦或在此處然攷咸道臨安志記錢王新築羅城云自

秦望山東互江干城門十南曰龍山今在六和塔西則秦望山亦

宜近六和塔之西也愚案塔西近徐村有大王山與五雲山東西

### 杭州府志

### 卷二十一 山水二

三

對峙高峻雄傑意由秦皇得名或秦望省筆訛為大王今縣志稱  
大灣則又音之轉也又咸道志既云山高一百六十丈而周迴僅  
一百步與形勢不類一百步上當有脫字又陸氏誤以秦望為秦  
亭不知樓霞嶺後近西溪處自別有秦亭山相傳亦祖龍駐蹕處  
不得合為一也惟所云上祀真武似與吳越建上清宮事類又月  
輪至定山相去二十里今縣治至定山約三十里舊治益遠翟氏  
以此處岡巒無名號者當之云合舊志治南十二里之說夫定山  
而下龍門鳳巒諸山名號甚繁難於更僕彼自不知耳况遠近舊  
然且無論舊志所稱舊治在錢塘  
門道里不合即今治亦不合也

五雲山 在縣西南二十里高千丈繞山盤曲而上凡六里七十

二灣石磴千餘級山半有伏虎亭亭至巔平岡亦名月輪山一統

舊圖經云周一十五里高祐有真際院上有天井大旱不竭咸道

天門山之支也岡阜秀絕林壑蔚起長江三折正當其面西北為

雲棲塢名勝頂列五峯高出雲表南北二峯拱其下東北為白沙

塢有長嶺長二百丈高十五丈通九溪十八澗又有姜釵嶺長一

百二十丈高八丈登山者取徑焉康熙錢塘志先是山之巔有五色瑞

雲盤旋其上因名雲樓紀事五峯森列俯視南北兩峯若雙錐朋立長

江帶繞西湖鑑開宋時每歲臘前得雪寺僧必捧雪表進城中霰

猶未集蓋其地特高寒云西湖遊覽志田藝蘅游五雲山記五

並峙迥出雲霞周迴可十五里逶迤而上凡七十二灣其半分建

二亭以接足力最上為真際院梁普覺禪師道場俯盼長江曲折

東下沙渚迴伏間風帆煙艇若鷗泛鳧翔出沒無際定山浮山諸

峯羣奔赴壑若渴蚪飲江而龜緒兩山對立海濤中逆之東南奇

覽轉眼可盡院之前有天井二覆之以亭舊稱大旱不

枯僧言甲寅秋亢旱泉源亦竭取汲山下固甚艱也

馬鞍山 在兒門武狀元坊步司左軍寨後形如馬鞍故名清祐志

五雲山東五里為大灣山稍北為馬鞍山高五十丈周二〇里萬曆

杭州府志 卷二十一 山水二 四

按萬曆錢塘縣志焦山之支東南行東馬鞍山黃山阪康熙

志誤讀是文即云馬鞍山近黃山阪不知黃山阪在橫山路

口與此相去十餘里聶氏所指別是一山不得以徐村馬鞍

當之也

大灣山 在五雲山東五里高一百二十丈周四里康熙錢塘志一作

大灣山俗呼大王山與五雲山東西對峙高峻雄傑定鄉小識

百丈山 雲棲寺之前山西溪梵隱志亦名百丈塢百丈慶善院僧淨

悟居此百丈得名之始五燈會元按萬曆錢塘縣志別有百丈山黃山之支折而西在午山北

山平坦至巔凡百丈東為張家山柴家山

高麗山 在五雲山南二里高二十五丈周二里

康熙錢塘志

排山 在定山之北鄉有排山嶺在定山南鄉

咸淳志

范村山名排

山

夢梁錄五雲山東一里為排山高三十丈周三里

萬曆志

按咸淳志定北鄉排山里即此排山也其言排山嶺在定南鄉者即今牌山嶺在金家嶺西

石壁山 在九溪之西

湖山便覽

去杭二十里走龍山而西窅然入深

谷為石壁寺有溪流巖石之美

釋契嵩鐸津集

按咸淳志有石壁山云與龍駒山法華山並在欽賢鄉東抵於西堰橋依文乃是西溪路山別詳於後此山據道里當近

杭州府志

卷二十一

山水二

五

五雲山與彼不同

南蕩山 在定山北鄉

乾隆志

按乾隆志云乾道志有南蕩巡檢司咸淳志言周邦彥子孫尚居定北鄉以其祖墓在南蕩也東坡文集乞開石門河狀云前知信州侯臨因葬生母於杭之南蕩往來江濱相視地形建議自石門鑿為運河又楊誠齋集有過南蕩詩云秧纒束髮幼相依麥已掀髯喜可知笑煞槿籬能耐事東扶西倒野醪醑皆南蕩事迹之可據者今山名雖經改易而里名如舊據里按之則凡山之在其里者皆南蕩山也又定鄉小識云程瑛城南廂廳壁記云往昔南北二廂設於關外而分任

之地皆六十里顧南蕩所統尤爲延袤北至良山南抵南蕩  
五方雜居水陸互市然則南蕩亦一市鎮

廟山 在轉塘孤峙田坂間甚低小以山南麓有梵宇故名定鄉小識

按此與富陽之廟山不同與咸淳志所云突出江心者高卑

絕異

百子山 在朱橋港口萬曆錢塘志下並同

仙人山 在朱橋港北形如仙人仗劍

午山 在牛坊嶺西近朱橋山平衍橫漫互於江濱泥赤色如丹

其麓爲葛湖南故里

石馬山 在朱橋港北

杭州府志 卷二十一 山水二

六

中和山 在朱橋嶺有真武廟此與雲泉山北之大和山龍門山

東之小和山同以和名背爲雲棲塢

青龍山 在中和山西

外高山 在中和山東

飛鳳山 在中和山東

旋網山 在葉婆橋北

黃山 在栗山西有黃山溪從陡門閘經大朱橋入江萬曆錢塘志郡

志無黃山詢之士人云稱橫山蓋羣峯綿接總諸山而名也明江

元祚築黃山草堂自爲記云黃山舊名橫山土人呼橫爲黃遂訛

爲黃山康熙錢塘志

按乾隆志云錢塘舊有黃山浦黃山當是古名宋書孔覲傳云泰始二年覲據郡反建武將軍吳喜等至錢唐進軍柳浦遣鎮北參軍沈思仁強弩將軍任農夫等向黃山浦東軍據岸結砦農夫等攻破之乘風舉帆直趨定山破其大帥以徑勢言之所謂黃山浦者卽此山南麓通江處然則謂橫訛爲黃非矣

又按橫山所隸甚大定鄉小識云一自上陳埭六泉院許家埭以抵光明寺一自黃衙莊葛衙莊橫山廟慈母橋以抵龍門坑均名橫山沿江入山徑自轉塘經崇明橋而進前志引康熙志以爲自徐村經茱萸非也

杭州府志

卷二十一

山水一

七

青龍山 在裏桐塢

康熙錢塘志

焦山 在縣西南四十里高一千二百丈周二十里縣境諸山此

爲最高

一統志

山南二里爲小和山

萬曆志

山西北過大青嶺有龍門

嶺達餘杭路

康熙錢塘志

境中諸山惟茲最高俗呼老焦山高插天漢

援鳥莫攀多虎人跡罕上

定鄉小識

馬鞍山 焦山之支東南行爲馬鞍山黃坂

萬曆錢塘志下並同

按五雲山東亦有馬鞍山康熙志引此文於後以爲近黃山阪誤也

楊梅山 在柏子尖

覆船山 與楊梅山並在柏子尖東南塢口皆平岡

太婆山 在錢塘縣咸淳志 定北鄉新纂

按咸淳志載錢塘縣太婆山白巖山而未詳所在白巖山在長壽鄉名已顯著獨太婆山之名前志皆不載今定北鄉葉婆橋西北有太婆山山勢高峻周迴幾及五里意卽咸淳志之所稱也

大斗山 在焦山南康熙錢塘志 一名岱岫山新纂

丫髻山 在定山西其頂有兩峯儼然如髻形亦名鳳凰山錢惟善江

月松風集 龍門山南一里爲大斗山又一里爲丫頭山高九百丈周四

里巔起雙峯如髻故名萬曆志

按定鄉小識云李氏西湖志不知定鄉有鳳凰山遂於萬松

杭州府志 卷二十一 山水一 八

嶺側宋大內之鳳凰山下別標曰雙髻峯而引錢惟善詩以實之誤矣元時山下有雙鳳山居惟善又有題雙鳳山居圖詩山去定山龍門甚遠舊志標名例取境內名山耳

觀山 在縣西南四十五里高七十丈周六里東二里爲青山西一里爲石峯山北五里爲石板山又北一里爲龜山萬曆志

青山 在觀山東二里高十丈周一里康熙錢塘志 白巖山之支東南

行爲青山俗名密家灣有光明寺定鄉小識

白巖山 在縣西南五十里高九百二十丈周十五里有蜂房巖

寶鑑池蓮花峯諸勝一統志 山有尊聖寺宋釋投子嘗結茅於此後

建寺極幽勝與雲棲略同有十景曰白巖山蜂房巖天池寶鑑池

又來泉炊香泉珠峯石蓮花峯歸龍橋思君子徑自藤村至歸龍

橋數里夾道皆修竹縣西南山此為最勝有藤村嶺南達楊村又

南為白巖嶺北為鷺鷥嶺萬曆錢塘志白巖山高摩青漢氣象尊嚴定

鄉諸山自焦山而外無與弟曩雖岱岫天宮茱萸潭經諸峯尙作

兒孫環列矣自餘杭徑山分支西南數十里山胥屬雲初其大幹

直趨富春定鄉小識

瓜藤山 在白巖山東高四十五丈迤邐而下羣峯起伏勢若瓜

藤康熙錢塘志

筆山 在瓜藤山東高十五丈同上

黃梅山 在縣西南五十里高八百丈周十里山多植竹里人取

杭州府志 卷二十一 山水一

九

以造紙一統志黃梅山近祖龍門諸山遠祖天目三山自黃梅至留

下鎮一舍實會鎮之祖山西溪梵隱志俗呼黃梅十八塢定鄉小識下並同

牛卵山 在轉手塢南

白沙山 在龍尾塢南土白如聖泡浮浪捲不生草木

楊家門山 在白巖山南北同上

眠牛山 白巖之支東南行為眠牛山俗名桑柳坂萬曆錢塘志下同

定南山 在桑柳坂

水牛山 在人大嶺南

象山 在定山東桑柳坂水口山也形如臥象定鄉小識高數十丈與

定山東西對峙崇雅堂詩注

九泡山 在藤村口 萬歷錢塘志下同

龜山 在定山北田中甚低小形如龜

飯包山 在石龍山頭之東近淩溪

定山 舊志在縣東南四十里一名獅子山水經注縣東有定包

諸山皆西臨浙江是也 一統志 錢唐西南五十里有定山去富春又

七十里橫出江中波濤迅邁 文選注引吳郡緜海四縣記 定山突出江中波濤

所衝行旅為患 太平御覽引吳地記 在縣西四十七里突出浙江數百丈郡

國志云江濤至此輒抑聲過是便雷吼震怒其上有可避處行者

賴之 太平寰宇記 高七十五丈周回七里一百二步 咸淳志 宋秦始初會

稽太守孔顛等舉兵應晉安王子助臺軍吳喜擊之遣別將沈思

杭州府志 卷二十一 山水二 十一

仁破東軍於定山唐光啓二年錢鏐遣將自定山出海門討薛朗

於潤州卽此山 讀史方輿紀要 山在淩溪馬浦之間橫峯孤峙雄踞江濱

東聳高巒巖壁立透迤互伏曳為平岡西北略起峻峰正如海

外神獅昂首翹尾伏地蹲臥之狀故名獅子山西麓有定山寺 定鄉

小識

按顧野王地志云浙江發源東陽新安不與岷山接至錢塘

江有浙山正居江中潮水衝山卽回入海故曰浙山亦曰定

山古名浙山非也據咸淳志引虞喜志林云今錢塘江口浙

山正居江中潮水投山下折而曲謂是江口者乃江水入海

之處從前定山雖突出江心要不在錢塘江口毛西河蕭山

縣志刊誤注云太平御覽載虞喜志林赭山原名折山以折字音近赭遂作赭越絕遺書折山與浙江並稱後改作赭以赭山爲古折山與志林錢塘江口之說亦合因曲折而謂之浙江則折山與浙山亦無甚分別也

浮山

在錢塘舊治東南四十里

清志

峙於江中

方輿勝覽

今號浮山

頭最爲險處

咸清志

潮自海門西來勢若雷霆而浮山峙於江中與

漁浦諸山犬牙錯入以亂潮水洄洑激射其怒百倍沙磧轉移如神鬼往往於淵潭中湧出陵阜十數里旦夕之間又復失去雖舟師漁人不能知其深淺以故公私坐視覆溺無如之何往來者皆由西興徑渡不涉浮山之險

蘇文忠公集

潮出海門中分爲兩派東沿

杭州府志

卷二十一

山水二

十一

越岸西抵茲山而諺謂之回頭浪

江月松風集

山高三十丈周一里其

南二里爲湖下山又二里爲泉井山皆高三十丈

萬曆志

山坦迤巔

甚平高不及定山之半而旁無障翳數十里外遙望悉見東面巖石巉險狀類獅峯昔時突峙江中浪淘濤拍正其壓捺潮頭之處是以浮江湏洞泛若泡漚浮山命名義取是矣

定鄉小識

今土人呼巫

山頭蓋浮與巫一聲之轉

崇雅堂詩注

按水經注錢塘縣東有定已

浙江通志引此下云疑作包字

諸山皆西臨浙

江水流於兩山之間趙誠夫注釋改已作包引左傳隱九年浮來公穀作包來謂包與浮一聲之轉包從已說文包象人裏妊已在中象子未成形也譌包作已轉包爲浮本屬一山

定鄉小識又引通雅云古呼包如孚桴與胞桴與枹桴與苞桴與苞桴與抱之類同原相因故互通詩雉離於桴說文引桴作苞則包山爲浮山非強附會矣若已則傳寫譌脫也又謂已爲辰已之已非戊已之已亦引說文爲證是於浮山卽古包山之義辨之晰矣且據水經注水流兩山間今定山在北浮山在南相去里許其爲古時江流之處與水經注所說亦合乾隆志於包家山條下引水經注一本作定包諸山云今錢塘無已山或作定包者是歟意以包家山當古包山與水經注水流兩山之間句不合自當以趙誠夫說爲是至浮山或稱浮嶼乃一山而異其名田氏游覽志旣列浮山復載浮嶼於

杭州府志

卷二十一 山水一

十二

定山下亦贅

長山 在浮山西一名眠犬山平岡橫衍而南盡處有醜石形如

臥獮形故名

定鄉小識

錢塘有長山

元豐九域志

石龍之支東南行爲長山

萬曆錢塘志

湖下山 在長山西以東麓傍湖故名山陰爲袁家莊

定鄉小識

泉井山 一名旋井山在浮山南

萬曆志

琴山 一名鯨山在浮山西北定鄉紀游由定山陰折而北至袁

氏莊有鯨山相傳唐以前地尙沒江中是山兀傲江心舟觸輒覆

疑若吞舟然故曰鯨山或曰山有石平若列案上可布席坐撫琴

故曰琴山

定鄉小識

界石山 在州西南四十九里江源自歙州界東北流經界石山

又東北經州理元和郡縣志浙江通志引唐沈仲昌狀江南詩苔為界

石錢之句以為此山證據云迷其舊名莫定何處考陶翰至漁浦

詩云樟亭忽已隱界峯未及觀釋皎然有界石守風望天竺靈隱

二山詩則其山所在必近於江矣漢時凡錢塘之山統名武林六

朝以後專以靈隱為武林再以北路諸山為靈隱南路諸山為界

石五代兩宋南路漸有龍鳳南屏大慈五雲等名而界石始以無

專指而晦咸淳志有定明院云吳越時名界石治平二年改額今

其院亦莫考矣乾隆志張道界石山辨界石山唐時屬南路南

筍曰南路筍翟氏乃以南路為西湖南路遂云為江湖間龍鳳

諸山祖名譌矣夫界石與靈隱齊名其高大必為一郡之望鄙意

杭州府志

卷二十一 山水二

今江上山惟石龍差足當之蓋石龍縣五十餘里匡峯雄拔層疊  
世伏傑偉峻挺天矯若龍登高眺遠可及靈竺左撐凌溪右距湖  
步羣山擁護俯首夾行石龍處中東顧西盼頤指兒孫有如界然  
况山下界石院尚存雖院址遷移而相去咫尺斷非南屏玉岑諸  
山可蒙其名也翟氏於界石院下云院所在或即此山其言信然  
或曰界石院今俗呼解頭寺聶氏志所云解頭山有解頭寺是也  
昔倚山而建寺今據寺以定山矣不知公館山在石龍山之前古  
名界頭正指其當界石山頭而言且是山唐時下臨曲江西指漁  
浦皎然守風之所登陶翰乘潮之所過胥在於此則以界石為石  
龍似非鑿空乃後人圖牒鹵莽失書而魏氏志並以石龍為諸山  
總名噫石龍不知何論界石名山勝地顯於唐而晦於今豈亦緣  
歟

石龍山 在湖步淺溪之間滿體戴石巉巖奇峻蜿蜒行飛翔勢如

游龍長亙十餘里定鄉小識

按萬曆縣志云粟山西為石龍山今石龍山去粟山遠甚康

熙縣志又云土人言石當作十山迭起迭伏如十龍盤聚而一龍遠在長河岸畔殊不知諺語十龍九斫頭一龍不斫頭趕到長河頭乃指徐范村間九龍而言與此絕不相涉今居民於是山煉石爲堊入城擔賣所謂黃山石灰者是也定鄉小識以爲古界石山未知確否辨詳界石山下

蜈蚣山 在定山南山腳斜奔形如飛天蜈蚣故名俗傳龍性畏

蜈蚣食其腦石龍當飛舞渡江見蜈蚣而止也

定鄉小識

解頭山 石龍之支東南行爲解頭山有解頭寺

萬曆錢塘志

在筆山

東高三十丈傍有定南公館

康熙志

解爲界之訛以在界石山頭故

名界頭其寺卽定明寺古界石院也今移建鯉魚山麓明時下有

杭州府志

卷二十一

山水二

十四

定南公館是山遂名公館山矣

定鄉小識

鯉魚山 在解頭山東半里高八丈

康熙錢塘志

挂榜山 在瀉橋近公館山山岡平畫如張榜故名

定鄉小識下同

虎頭山 在瀉橋庵後

曇山 在錢塘縣去城五十里近廟山在楊村有慈嚴院小獄祠

出筍曰南路筍

咸淳志

西山東二里爲曇山高十丈周二里

萬曆志山

石玲瓏有仙人洞山北有嶺曰小嶺東達定南公館

康熙錢塘志

石龍

聳拔奇峭靈氣旁洩故曇山以花山爲禰而酷肖其祖形如蹲獅

山石上有纜痕深刻數寸相傳昔時山岸瀕江帆檣上下負纜所

過處

定鄉小識下同

花山 在曇山東宋鄭次山築園亭於曇山種花於此故名又有花山嶠在花山麓與曇山連腳處

天宮山 在白沙塢南尖峯挺立上際雲霄

大羊山 在白沙塢西南茱萸尖側高峻與茱萸尖齊山背屬富陽

青山 在白沙塢高十餘丈周一里餘低小而秀潤蒼蔚可挹有青山廟

紅旗山 在盧家溪口

米篩山 在紅旗山東

鳳山 在米篩山東

杭州府志

卷二十一

山水一

十五

獅山 在米篩山北

童子山 在獅山北

美女山 在獅山北與童子山比肩齊高小而秀潤形如美女

五鬢山 在美女山北

竹馬山 在五鬢山北

童山 在竹馬山北

譚經臺山 在白沙塢東尖峯聳峭高不可上相傳昔仙人譚經於此故名

板壁山 在譚經臺山南

青窠灣山 在牌山西與牌山雙峰對峙高數百丈形勢峻峭中

爲大嶺宛如天闕越南爲譚經塢

鯉山 在牌山側青籊灣山下

徐家山 在牌山西一名甌桶山

眠牛山 在石灰嶺北形如臥犢故名

牌山 在青籊山東俗作簾山自白巖山發支過金家嶺崛起峯

巒高數百丈周十餘里青屏黛嶂聯絡障互入金子街望之高峻

秀傑如南山五老峯迤西爲石灰嶺形勢全趨富陽並同上

金子街山 在粟山西其太祖則餘杭之徑山也萬歷錢塘志下並同

萬寶石山 在白沙塢東

東塢山 在白沙塢東越東爲午潮山

杭州府志 卷二十一 山水一 十六

九里暗山 在縣治西六十里高百丈周二十里崔嵬宵奧茂松

竹地多虎人不敢獨往西二里爲萬羅山北二里爲獅象山卽廣

福寺之護門山也萬歷志下並同

萬羅山 在九里暗山西二里高八十丈周四里羣峯環迴如羅

獅象山 在九里暗山北二里高八丈周二里

石膏山 錢塘有石膏山杜佑通典山在錢塘縣西五十七里錢唐記

云山出石膏若雪太平寰宇記

按乾隆志云通典州郡部錢唐縣僅錄此一山寰宇記明言

縣西五十七里自咸淳臨安志合錢塘仁和山川爲卷而以

石膏山次列於佛日黃鶴之間近志遂誤系於仁和然咸淳

志亦自標明錢塘縣也今山名更易莫能考定自萬歷志後  
載記多闕依其道里當與九里暗山相近姑因二書存之以  
俟博識

大老山 在錢塘縣長壽鄉萬歷志下同

西塢山 在縣治西南六十里高二百丈周二十里山多巨石間

植松筠東五里為洞子山同上

洞子山 在西塢山東五里又東二里為廟山康熙錢塘志

按山在湖步去廟山甚遠縣志說非

石灰山 在石和尚山東六里高九十丈山惟里人煉石為堊山

半有大嶺高五百丈長二里康熙錢塘志

杭州府志 卷二十一 山水二 十七

按山半大嶺即石灰嶺定鄉小識云嶺在湖步北俗呼石灰

大嶺形家以為富陽祖龍踰嶺為白沙塢去茱萸尖甚遠

鏡架山 在湖步康熙錢塘志下同

魚頭山 在石灰山東一里高三十丈

前山 在石和尚山北三里高八百丈

太湖山 在茱萸尖之東南山頂平廣可耕有錢王洞南行為楊

村萬歷錢塘志下同

靈山 在縣治西南六十里高二百丈周二十里同上

雲泉山 在湖步口近楊村高聳奇秀挺入雲際下有風水洞洞

側為慈嚴寺俗名西山定鄉小識